

ოქმი N 13

ოზურგეთის მუნიციპალიტეტის საკრებულოს რიგგარეშე სხდომის

2020 წელი, 29 ივლისი

ქ. ოზურგეთი

16.00 საათი -17.00 საათი

თავმჯდომარეობდა: დავით დარჩია - საკრებულოს თავმჯდომარე.

ესწრებოდნენ:საკრებულოს თავმჯდომარის მოადგილე, გ.ღურჯუმელიძე; მუდმივმოქმედ კომისიათა თავმჯდომარეები: ლ.ბიგვავა, ლ.საჯაია, გ.ჩაგანავა, გ.კილაძე, ე.გორდელაძე; მუნიციპალიტეტის საკრებულოს ფრაქციათა თავმჯდომარეები : ტ.აროშიძე, გ.ჩავლეშვილი, გ.თოიძე, ბ.დოლიძე, ლ.მგელაძე; მუნიციპალიტეტის საკრებულოს წევრები: მ.ჩხიკვიშვილი, ხ.ცერცვაძე, ვ.ჩიგოგიძე, დ.მამალაძე, დ.მდინარაძე, ვ.ბერიძე, ლ.ნინიძე, გ.ჩავლეშვილი, ვ.ჩხაიძე, ბ.თოიძე, ლ.კილაძე, ალ.დლონტი, ვლ.ჩავლეშვილი, თ.ტულუში, ვლ.დლონტი, თ.ბურჭულაძე, დ.მჟავანაძე.

სხდომის თავმჯდომარე დ.დარჩია მიესალმა საკრებულოს წევრებს, განაცხადა, რომ სხდომა მოწვეულ იქნა მუნიციპალიტეტის მერის ინიციატივით, მიაწოდა ინფორმაცია ქვორუმზე -46 წევრიდან რეგისტრაცია გაიარა საკრებულოს 29 წევრმა, სხდომა უფლებამოსილია შეუდგეს მუშაობას. დღის წესრიგის გაცნობამდე სხდომის თავმჯდომარემ დ.დარჩიამ, საკრებულოს წევრებმა და დამსწრე საზოგადოებამ დაბადების დღე მიულოცა საკრებულოს წევრს ვლ.ჩავლეშვილს. შემდეგ საკრებულოს წევრებს გააცნო სხდომის დღის წესრიგი, რომელიც დაამტკიცეს 29-ხმით.

დღის წესრიგი

26. „ოზურგეთის მუნიციპალიტეტის დაბა გომისმთის ადმინისტრაციული ერთეულის ტერიტორიის განაშენიანების დეტალური გეგმის შემუშავების თაობაზე ოზურგეთის მუნიციპალიტეტის მერისათვის თანხმობის მიცემის შესახებ“ - ოზურგეთის მუნიციპალიტეტის საკრებულოს განკარგულების მიღების შესახებ.

მომხსენებელი: დავით დარჩია

თანამომხსენებელი: თამაზ ლომჯარია

განკარგულება თან ერთვის

მიღებულ იქნა 29 ხმით

საკრებულოს თავმჯდომარის მოადგილემ გ.ღურჯუმელიძემ აღნიშნა, რომ ორიოდე კვირის წინ, საქართველოს რეგიონული განვითარებისა და ინფრასტრუქტურის სამინისტრომ მუნიციპალიტეტს შესთავაზა საგრანტო პროგრამა, რომლის საშუალებითაც რამოდენიმე სხვა მუნიციპალიტეტში არსეულ კურორტებთან ერთად დაფინანსდებოდა კურორტ გომისმთის განაშენიანების გეგმის შედგენაც, ამიტომაც მოხდა საკითხის რიგგარეშე სხდომაზე განხილვა.

საკრებულოს წევრმა ვ.ჩიგოგიძემ განაცხადა, რომ მიესალმება გეგმის შედგენის სამუშაოების დაწყებას, ვ.ჩიგოგიძემ შეეკითხა თანამომხსენებელს თ.ლომჯარიას- როგორ დარეგულირდება კურორტზე ამჟამად არსებული მდგომარეობა? თ.ლომჯარიამ გააკეთა შესაბამისი განმარტება.

დარგობრივი კომისიის თავმჯდომარემ ლ.ბიგვაჟამ განაცხადა, რომ კომისიის სამუშაო ჯგუფმა განიხილა და მხარს უჭერს პროექტს.

საკრებულოს სხდომა დახურულად გამოცხადდა.

დავით დარჩია

საკრებულოს თავმჯდომარე
ოზურგეთის მუნიციპალიტეტის საკრებულო